



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1843

CXLIV. Markgraf Johann überläßt dem Probste und Domcapitel zu Havelberg Hebungen aus Nitzow, Retzow, Bendelin und Toppel, im Jahre 1431.

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

kommen vnd geuallen sein, fur czehn schogk uerkaufft vnd In denselben roggen czu einem rechten manlehn gelihen haben, uerkauffen vnd leihen — vnd geben In des czu einem Inwifzer den Edeln vnsern lieben getrewen Achim Ganfen herren czu putlist. — Wiftock, am nelsten freitag nach dem Sontag letare czu Mitteaften, Anno domini Millefimo quadringentesimo XXXI^{mo}.

R. Hans von waldow et examinavit.

Nach demselben Copialbuche XVI, 85.

CXLIV. Markgraf Johann überläßt dem Probste und Domcapitel zu Havelberg Hebungen aus Nihow, Negow, Bendelin und Toppel, im Jahre 1431.

Meins herren gnade hat hern heinrichen wutenowen, Probst czu havelberg, vnd seinem closter czu havelberg von besundern gnaden wegen diese hienachgeschriben guter, ierlich czinze vnd rente mit namen In dem dorfe Nitzow einen wispel weyde habern vnd XXXII hunre, In dem dorff Neczow einen wispel habern, In dem dorf Bendelin einen wispel habern vnd In dem dorfe toppel vier schilling weyde pfenninge, czu gelosten vnd gegonnet, das sie die obgeschriben ierlich czinze vnd rente furbas ierlichen czu Iren handen einnemen vnd gleich andern iren gutern sich der gebrauchen fullen, doch also, wenn soliche vulbort vnd gnade auffgefagett wirt, so sol das ganz ab sein, vnd sie fullen der obgeschriben guter on alle widerrede lediglichen abtreten on geuerde. Hie bey vnd uber sein gewesen vnd diez haben geteidingt here Busse von Aluenflebe ettwenn meister fant Johans ordens, haffe von Bredow Ritter, heincz tandurffer marschalk, ott von Sliben vnd hans von Rotenhayn. Datum czu havelberg In vigilia sancti Nicolai Anno domini M^o. CCCC^o. XXXI^o.

Nach demselben Copialbuche XVI, 93.

CXLV. Markgraf Johann vergleicht sich mit einem Altaristen zu Kyritz wegen gewisser Pachthebungen desselben in den Mühlen zu Berlin, im Jahre 1432.

Wir Johans etc. Bekennen etc. das wir von hern Gregorius kempnitz wegen, vnsern lieben getrewen vnd andechtigen, fur soliche sunff wispel korns, halb roggen vnd halb malcz, so er ierlichen in vnsern mulen zu Berlin auff einen rechten widerkauff gekaufft hett, dieselben sunff wispel korns auff heuten Datum diez briefs, vns vnd vnsern erben der gnant her Gregorius mit gutem willen vnd bedachtem mute in seinem uersigelten briefe uerlassen vnd losz gelassen hat; darumb vnd dafür wir vnsern lieben getrewen clawesen mafze vnd hanfen newendorff zur kiricz vnd iren rechten erben sechezig schog an brandenburgischen vnd an berlinischen pfenningen, y czwey pfant fur ein schog, von des gnanten hern Gregorius wegen schuldig worden sein vnd gelten fullen, dieselben LX schog an der obgeschriben muncz als obgeschriben steet wir die gnanten clawfen mafz vnd hanfen newendorff an dem nelsten lantschoffe, das in vnser statt kiricz oder anderzwo in vnsern landen der prignüttz an vns vnd an vnser herschafft kommen vnd geuallen wird, weisen vnd des vnser qwydt briefe an die van der kiricz oder anderzwo in vnsern landen der prignüttz ge-